

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-56/18
Vareš, 28.03.2018. godine

Na osnovu člana 6., 9. i 14. Zakona o komunalnim djelatnostima („Službene novine ZE-DO kantona“, broj: 17/08), i člana 22. Statuta Općine Vareš-prečišćeni tekst, broj: 01-162/12 od 11.09.2012. godine, Općinsko Vijeće na 16. sjednici održanoj 28.03. 2018. godine, donosi

ODLUKU

o izmjenama i dopunama Odluke o komunalnom redu

Član 1.

U Odluci o komunalnom redu, broj: 01-100/10 od 05.05.2010. godine, u članu 6. stav (1) iza riječi „redovno“ dodaju se riječi: „neposredno ili preko upravitelja zgrade“.

Član 2.

U poglavlju „3. REKLAME, NATPISI, IZLOZI, REKLAMNI ORMARIĆI, PLAKATI I TENDE“, dodaje se novi član 11a. koji glasi:

„Član 11a.

Reklame, natpise, izloge i zaštitne naprave na izlozima, reklamne ormariće i plakate u smislu ove Odluke čine:

- a) Transparent,
- b) Jarbol sa reklamnom zastavom,
- c) Reklamni pano,
 - samostojeći reklamni pano,
 - samostojeći reklamni pano na krovu objekta (displej, maketa, figura, slovo, zaštitni znak i sl.),
 - reklamni pano na fasadi i ogradi objekata (displej, maketa, figura, slovo, zaštitni znak i sl.),
 - pokretni reklamni pano (kavalet)
- d) Reklamna vitrina (city light i totem),
- e) Reklamna folija na izlogu poslovnog prostora,
- f) Plakat,
- g) Reklama u vrijeme predizborne kampanje,
- h) Ostale reklame“.

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



Član 3.

U članu 12. iza stava (1) dodaju se novi stavovi (2) i (3) koji glase:

(2) „Predmeti i uređaji iz stava (1) ovog člana moraju se održavati u ispravnom stanju, a dotrajali se moraju obnoviti odnosno zamijeniti. Obnavljanje odnosno zamjenu, vrši vlasnik ili korisnik“.

(3) „Za postavljanje predmeta i uređaja iz člana 12. ove Odluke na javne površine i neizgrađeno građevinsko zemljište, čiji je vlasnik Općina Vareš ili Općina ima pravo korištenja, plaća se naknada u skladu sa važećim općinskim Odlukama“.

Dosadašnji stavovi (2), (3) i (4) postaju stavovi (4), (5) i (6).

Član 4.

U članu 13. stav (4) iza riječi: „Izuzetno“, dodaju se riječi: **„u skladu sa Programom plakatiranja“**, a riječi: „komunalni inspektor o trošku političke stranke“, zamjenjuje se riječima: **„nadležno javno komunalno preduzeće po nalogu komunalnog inspektora, a o trošku političke stranke koja ih je postavila“**.

Član 5.

U članu 14. stav (2) riječi: „komunalni inspektor o trošku fizičkog ili pravnog lica koje ih je postavilo“, zamjenjuje se riječima: **„nadležno javno komunalno preduzeće po nalogu komunalnog inspektora o trošku fizičkog ili pravnog lica koje ih je postavilo“**.

Član 6.

U članu 31. stav (2) riječi: „Odlukom o općinskim komunalnim taksama“, zamjenjuje se riječima: **„Odlukom o privremenom korištenju državnog zemljišta – javnih površina na području općine Vareš“**.

Član 7.

U članu 34. stav (1) tačka 7. iza riječi „(samostojeće tende)“, dodaju se riječi: **„i montažne platforme“**.

Član 8.

U članu 36. stav (2) iza riječi: „ukloniti će se“, dodaju se riječi: **„po nalogu komunalnog inspektora“**.

Član 9.

U članu 53. stav (4) mijenja se i glasi:

„Na javnim površinama u gradskom području zabranjen je istovar ogrijevnog drveta u trupcima, kao i rezanje drveta motornom pilom u vremenu od 22:00 do 06:00 sati u zimskom i od 23:00 do 06:00 sati u ljetnom periodu“.

Član 10.

U članu 62. stav (2) iza riječi „poklopci“, dodaju se riječi: **„po nalogu općinske Službe ili nadležne inspekcije“**.

Član 11.

U članu 65. stav (1) alineja 3. na kraju teksta briše se interpunkcijski znak tačka zarez i dodaju se riječi: **„te komunalne infrastrukture;“**.

Član 12.

U članu 96. stav (2) iza riječi „u njima“, briše se interpunkcijski znak tačka i dodaju se riječi: **„neposredno ili preko upravitelja zgrade“**.

Član 13.

Član 101. mijenja se i glasi:

„Član 101.

Služba za prostorno uređenje Općine Vareš može po prethodno pribavljenom mišljenju sanitarnog i komunalnog inspektora i u ostalim gradskim ulicama odobriti pojedinim domaćinstvima držanje životinja od bitnog interesa za egzistenciju domaćinstva i ako njihovim držanjem nisu ugroženi higijenski, sanitarni, komunalni i drugi uslovi življenja“.

Član 14.

U članu 121. iza stava (3) dodaju se novi stavovi (4) i (5) koji glase:

(4) „Protiv rješenja komunalnog inspektora može se izjaviti žalba u roku od 8 (osam) dana od dana prijema rješenja. Žalba ne odlaže izvršenje“

(5) „Žalba se podnosi Drugostepenoj upravnoj komisiji Općinskog vijeća Vareš“.

Član 15.

U članu 126. stav (1) iza tačke 43. dodaju se nove tačke 44. i 45. koje glase:

44. „Ako ne omogući komunalnom inspektor i eko policajcu vršenje radnji iz člana 120. ove Odluke“.

45. „Ako ne postupi po rješenju komunalnog inspektora“.

Član 16.

U članu 128. stav (1) iza tačke 28. dodaje se nova tačka 29. koja glasi:

29. „Ako ne postupi po rješenju komunalnog inspektora“.

Član 17.

Ova Odluka stupa na snagu osmog dana od dana objavljivanja na oglasnoj tabli Općine Vareš.

**ZAMJENIK
PREDSJEDAVAJUĆEG
OPĆINSKOG VIJEĆA**

Nikola Šimić

Odluka je objavljena na oglasnoj tabli Općine Vareš 29.03. 2018. godine.

OPĆINSKI NAČELNIK

Zdravko Marošević

OBRAZLOŽENJE

PRAVNI OSNOV

Članom 6. Zakona o komunalnim djelatnostima, određeno je da Općine obezbjeđuju obavljanje komunalnih djelatnosti određenih ovim Zakonom.

Članom 9. Zakona o komunalnim djelatnostima, Općina je obavljanje pojedinih komunalnih djelatnosti koje se finansiraju iz njenog budžeta, obavezno povjerava javnim preduzećima komunalnih djelatnosti, koje je odlukama Općinskog vijeća formirala za obavljanje tih komunalnih djelatnosti.

Članom 14. Zakona o komunalnim djelatnostima, prava i obaveze između davaoca i korisnika komunalnih usluga, regulisat će se općinskim odlukama kojima će se urediti djelatnosti koje se odnose na komunalna preduzeća, a izuzetno se mogu regulisati ugovorom u skladu sa Zakonom o obligacionom pravu.

Članom 22. Statuta Općine Vareš (prečišćeni tekst), definisane su nadležnosti Općinskog vijeća Vareš.

RAZLOZI DONOŠENJA

Razlozi za donošenje ove Odluke su da se preciziraju određene odredbe, jer su iste nedorečene, uz definisanje zadataka i obaveza JKP d.o.o. Vareš, nadležnih službi, inspekcije i upravitelja zgrade.

Usklađivanje ove Odluke sa postojećom Odlukom o komunalnom redu, Zakonom o komunalnim djelatnostima i Zakonom o korištenju, upravljanju i održavanju zajedničkih dijelova i uređaja zgrade.

FINANSIJSKA SREDSTVA

Za provođenje ove Odluke nisu potrebna finansijska sredstva.

**OVLAŠTENI PREDLAGAČ
OPĆINSKI NAČELNIK**

Zdravko Marošević